

Okulu oebe bhú dabilí bini ne obalua gba Willem gba Vink

# Yesu ne Masiya

Kpála nagbe 'ngú na mbia pila doto

Yesu ne Masiya  
Willem gba Vink



## A akunda napa pi ?



**Badhá bhú 'bu:** a ngasia lie ká Ebhe pádha me a nde ti ne mu di. A ti da namene lie pádha de, anga Ebhe ngambu li osisiti ongú gba okpála kabula li Yesu abi kengú gba kpála ne kpála li kúte e makpe ('kpa balua 58).



**Bádha Ngali:** A ko ngali na djali. Bádha Ngali gba Yesu maka u a aye lie bhú bhuku (Matié, bhú bhende gba Maloko, bhú bhende gba Luka ne Dja-a-o).

**Bibilia:** Ili inde me Bibilia akunda napa me obhuku. Bhú Bibilia-a, abhúbhú ne ongú inde li Ebhe ngabundja e pindji okpála me u da amene-eo pi ni ne pi o-o.



**Bisagu:** a ko ndu obabadhá ongú inde li Ebhe akunda naha e pi okpála inde ngamene engú ani akunda-eo ('kpa balua 10-11).

**Bu Bhobua:** A ko Bua gba Ebhe inde asi kuti e bhú okpála inde ngakpata Yesu-o ('kpa balua 58).



**Komonyo:** A mene lie ne mapa di ne vino. A memene ne omakpata gba Yesu ngubula nabundja nakpi ne nazuku gba Ngámá Yesu-o ('kpa balua 41).

**Kulusi:** A ko ndula inde li Yesu akunda me ni kpi pi-eo. Okpála inde ngakpata Yesu-o, u mbimbila uo ká djedje okulusi u adhudhuku ne-eo ('kpa balua 25, 50).



**Masiya:** Ta 'ili inde me Masiya akunda napa me: Ngámá inde u atuko emu ne Ngámá pi 'ndji e. Masiya abhú kongu gba omaebele bhú eli gba ogiliki-e u 'i me Kilisito. Yesu Masiya u 'i 'i di me Yesu Kilisito ('kpa balua 52, 55).



**Mayo:** Mu ti da nagama 'ngú ne Ebhe me mu nde andjili má ngbi! Mu ti da di nagama 'ngú ne ani me ndu okpála hana nde ngadje mu, mu ti da la di nadge ani ngagama 'ngú pi mu ('kpa balua 18, 19, 42).

**Mukobho na duduma:** A ko ndu bhú mukobho ne Yesu maka li Ebhe akunda lie-o. Ani agboko kuo agboko. Angu kuo

andjia duduma ne duduma ('kpa balua 23, 29-30 akolo bhú 59).

**Mukpata:** A ko ndili na balua gba Yesu-o. Ani alo nani uo ndjikpa ne ká bhisi ('kpa balua 18).

**Nabhuka:** A ko ndu ne 'to o me Ebhe amene engú inde ani apa mamene ('kpa balua 38).

**Nagie lie:** nedhinga li Yesu ago matá lie pfla doto-o, ehe bini tígala bhú da e de. Ebhe agie kopki ne doto akólo matá na mbia ('kpa balua 57).

**Na gba Ebhe:** A ko ndu bili hana inde li akpála ngamanga Ebhe lie-o, abhomu-o nau gba ani-o.

**Nazuku:** Yesu azuku bhú ká okp'la inde amu. Ekpí bini ndu okpála hana azúku mazuku. Bhú nedhinga angu-o, Ebhe akódho 'ngú gba ndu okpála hana ('kpa balua 53-57).

**Oandjelu:** A ko obhulu titima gba Ebhe-o. Uo maka okpála ade, uo ne kute maka okpála adi ('kpa balua 5).

**Pasika:** Adudu bhú nedhinga na anokomia angu-o li okpála avhubundja nazuku gba Yesu lie-o. A ko bhadi li 'kpi angu-o li omaYuda amemene anokomia na Oasika gba o lie-o. U yoyo bhomu-o mambu? Belegu inde lie mo-o ade-e Ebhe ngambu li kpála kala me ani mene badha 'ngú. Ebhe mbumbu li kpála nedhinga ani nde lie nabundja naali pindji 'ngú mo omene-e, la di bhú nedhinga mo odji bua mu lie na páka-o. a na páka moko anga yesu abi mangimbo gba ní li kute e makpe ('kpa balua 38 - 54).

**Satana:** Bhulu yala gba Ebhe di ne okpála (u 'i 'i di ani matá me djabulu).

**Siti 'ngú:** engú inde sisiti u ngamene-e li pabli gba Ebhe. Nedhinga ní ngamene siti 'ngú lie, ní nga'o ká engú inde li Ebhe abho ní ngú-eo ('kpa balua 4).

**Yesu:** a ko 'ili gba Ndili gba Ebhe-o. Ta 'ili angu-o me: Ebhe ne mukobho.



## BHÚ NEDHINGA GBA YESU


Nedhinga gba ní akpo lita e nedhinga u azu Yesu lie-o, a ane mbia inde kalanga koto bhisi. Okpala da adhuku ne 'dhu o di ne p' onu maka punda, a la die kamilo. Bhú nedhinga bhomu-o, omaisalaele ti nani da natanga balua di ne nayeye. U da nani na'i uo me: 'okpala akunda natanga balua'.

Bhú Bhuku na Gandja na Didili-e (abhomu-o gina 'ngú inde bhú Bibilia-o), Ebhe ngagama 'ngú pi okpala. Ndu ehe hana inde ní ngau-e, ani abho ngae. Ani akunda naku bhú makpolia ne ndu okpala hana. Yesu ambamba 'ta 'ngú ango-o bhú Gandja na Mbía (abhomu-o engú na bhisi inde bhú Bibilia-o).

## YESU INDE MASIYA NE DA?

Ane nga kalanga koto bhisi maká Yesu adu nani nakobho bhú kati gba omaisalaele-o. Ni nga'i ani me Yesu inde Masiya, u 'i matá ani me Yesu Kilisito. Akunda napa me a ko 'Ngbé Ngámá. U 'i 'i matá ani me: Ndili gba Ebhe, matá me Ndili gba kpála. Akunda napa me a ko Ebhe, la di me a ko di kpála kati. Engú gba Yesu aye lie bhú Bhuku gba Ebhe-o. A ko engú i nga kpokpo li ndu nedhinga hana!





## OMAĪSALAELE BHÚ NEDHĪNGA GBA YESU

**Ba kuti:** Yelusalema

Opolovese: na Galilaya, na Samalia, a la die bhe na Yudaya.

**Bhú ba-a:** a ko 28.000 kilometele ngbalina.


Nedhinga na kpá bilí ne kpina bilí.

**Kali na kuti:** Okpála na Loma abuka nani omaĪsalaele bhú kalanga na 63 pita na'ú ká aní-e abhúlá-o.

Bhú na nedhinga gba Posio Pílató, guvelenele gba okpála na Loma dɛ nani na p'ndji omaĪsalaele. Tibeleda adɛ ngámá gba aní ngae. Aní adɛ nani 'ngbé ngámá inde adɛ nani na p'ndji okpála na LOMA ngae. Bhú kalanga na 70 pita na'ú ka Kilisito abhúlá-a, okpála na Loma atsia siti kuti na Yelusalema.

Nayo ebhe gba omaYuda. 'Ngbé 'tí ebhe gba uo a abhú Yelusalema. Oo, odimando inde amemene ndɛ tu okulu í dɛ die nasuno engú na ebhe (maka omɛFalusi) inde ngasuno olíli pí okpála (bhú Gandja na Didili).

**Eli u ngadie:** Ebele (a ko eli gba omaYuda), Giliki (a ko eli lí ndɛ okpála hana ngadie-o), Late (a ko eli gba okpála na Loma).



Hi bhe! Bhiti okpála ìnde abedhe dengo 'ngbe 'ngu moo kani?



Yi leke liyi! Na  
gba gba Ebhe  
akolo masikpe.




Yi dji bua yi, anga Naɛ na abhɛlɛ́ akolo masikpe.



Padha de, anga ngbakpa a'o lie bhɛ li 'dhu ndula ngu na dede...




Ma apa pi yi na paka me: ndɛ ndula hana inde i li lili de-e, u adɛ u tsia bhike bhɛ dja.



I du la mo-o, a ayo me ya mene pi? Ati da nadɛ bhɛ mukobho na bubu da?

A na paka moko! Kpala bini ti da nakpe mangimbo gba Ebhe-e da! Engu bini, a ngago pita ma ne kpala bini inde ane ma ne angu mane. Ani abatisa yi ne Bu Bhubua.



Yi holo nakobho bhɛ mukobho na mbia! Yi mbila la me, badha ngu ngadu bhɛ yi a de. Yi sia batisimo ngu nasuno me yi adji bua yi adji.




A asuno na paka me yi akɛnda nadɛ bhɛ mukobho na mbia.

Kpála inde adú na apa mo-o ade 'ngbe ngade 'ngu-o, adu li aní ma Djaa bhɛɛ nabatisa okpála...

Kpála inde ngago pita ma-a, kpála ango-o ane ma ne angu. Engú bini, ngaani-e, aní abatisa yi ne Bu Bhobua di ne djua gba Ebhe. Aní adji yi na páka me yi kolo okpála gba Ebhe na páka. A li aní me Yesu.



Engú bini, aní atsia apa pi aní me:




Ma sía mangbo batisimo ka mɛ ngama! Mɛ ngago matá abhaka ma ngamɛ!




Abhomɔ-o, eli bini atsia ayie abhúlá ne napa me:

A inde-e ndili gba ma na mɛkɛnda-o. A ko kpákré na bua ma.




A mo-o ade! Ziba me amene lie moko mbia inde anga ayo me ní mene ndu 'ngú hana li Ebhe ayo e ka ní-o.



Dyi ya! Ayo me mɛ go ɛ ngámá pfla doto!



Li nedhinga bhomu-o, bhú nae gba ongámasi na Loma, adu me Djaá bhéle nabatisa okpála nde natotobhila me yi leke kpadji pi Masiya. OmaIsalaele adu bhú nedhinga bhomu-o bhú saka mboye keti bini bhú nae gba okpála na Loma-o.



OmaYuda adu me u nde ngato mbolo li uo má kpódhó kpódhó! U adu nadjeke nago gba Masiya li opolofeta apa 'ngú gba e-o. Ani agó agie ngbili 'ngú gba Ebhe-e pila doto ngae!

Lingo ngade 'ngu na Djéledani-e, Djaá asuno Yesu pi okpála me:

Yi tsia nga Ndili Kandolo gba Ebhe-o. Ani nga'e siti 'ngú pila doto ngae.



Abhomu-o, pita nasia batisimo-o, Bu Bhobua atsia amba bhéle Yesu abhú mili bilí.

Pita namene ngbikpi ndjikpa badha ne sukpe ndjikpa badha mandí nazu 'he-e ngu nayo 'Bhe-e, ani atsia sia lele maka ani améne kulu gba e lie-o.



Ngabula napa me engú ango-o mene lie, a ayo ma ani suno lele maka li Ebhe aleke kpadji lie ngu nagbegbe okpála bhú nae gba kuo-o.

Djabéle aha 'gú ne ani, ngaani ngámá inde awo li e bhú bití-o, inde di ngau pila doto ne nabhili kuo ngánga-o.



A na páka mo-o 'Dyi ma! Ma akunda namene mukunda gba mu-o.





La-a, bhɛɛ yala gba Yesu-o agɛɛ kpadjɛ ngɛ na'e anɛ lɛ kpadjɛ kulu u atima anɛ ngɛe-o.

*I dɛ me mɛ nde ne ndɛɛ gba Ebhe-e, ha lɛɛ pɛ oteme inde-e me akolo mapa!*

A mo-o ade! U aye bhɛ Bhuku me: Kpɛla kɔbho bha bini ka ezɛ de, engɛ bini, anɛ akɔbho ka ndɛ oeli hana inde ɛ ngakoto bhɛ 'bho Ebhe-o!


*I dɛ me mɛ nde ne ndɛɛ gba Ebhe-e, 'ulu pɛ 'ngbɛ 'tɛ Ebhe inde mɛ kɔ kuto! Padhɛ de, anga u aye bhɛ Bhuku me: Ebhe ahɛ lɛɛ pɛ oandjelu gba e ngɛ mɛ. U tsia bɛ mɛ sa 'kpa o!*

Abhomɛ-o, anɛ atsia apa matɛ me: Ndɛ 'he inde-e hana, ma ahɛ pɛ mɛ ɛ dɛ me mɛ nde akikita lɛpɛkɛ mɛ kuto kala ma ngɛ nadhɔɔ ma-o.

Abhomɛ-o, Djabɛɛ a'o ka Yesu. Me-e, oandjelu ago de anɛ, u atsia aholo nateteke anɛ.



A mo-o ade! U aye bhɛ Bhuku gba Ebhe-e me: Mo olɛ Ebhe, Ngɛmɛ gba mɛ-o de.




Yie oo ko, Satana! Padhɛ de, anga u aye bhɛ Bhuku me: Dhɔɔ Ebhe 'ngbe Ngɛmɛ gba mɛ-o, amba mɛ yo la bhadi anɛ kpi e kpi.




Pɛpɛta-a, anɛ abedhe ne Bua gba Ebhe-e bedhe, anɛ atsia agie lie abhɛ ndu doto na Galilaya lɛ bɛɛ anɛ abhele lie-o, pɛpɛ lɛ okpɛla adɛ lie bhele-o. Lɛ kpadjɛ-e, okpɛla ago abhaka anɛ. U adɛ akɛnda nambɛla me a ko Masiya inde lɛ opolofeta apa ngɛ gba e na pakɛ!

Abhomu-o, bhú kúti bini u a'i-e me Kana abhú ndu doto na Galilaya, anokomiá na kúva adu oo.



Abhaka me Yesu ngauo ne 'hi e nde oo di ne okpála uo ambila lio ne o-o.



Engú bini, lĩ nedhĩnga na anokomiã aholo nazi lie...

Kpeke 'da 'ngú! Vĩno andjia.

Yi mene ndũ 'ngũ hana inde ani apá e pi yi ko.

Yi bebedhe omadakpa inde-e ne engu. Mbĩa inde-e, yi sese, amba yi nũ ha pi ngámá na anokomiã-o, amba ani le.

U aholo nangamba!

Engu-o, adji lie akolo vino! A ee mangua badha vino dho?


Mo owo vino bhende na babadha-a akolo lĩ nedhĩnga inde ka ni?

A mene lie lele pi? Engu adji lie akolo badha vino! U azu ma lie ma u nga ngua 'ngú inde bhũ anokomiã de.

A mene engú bhomũ-o Yesu kpála na gũdhũ na Nadjaleta!

Engú bini, a ko la nae da?

Yesu akpo lita kulu gba e bhú ndu doto na Galilaya bílì inde aní akpokpo Bádha Ngali Naɛ gba Ebhe-e bhú e-o, adɛ bhú mboye kɛtì ua'ì e me Kapalanauma kɛtì inde lì siti 'ngú abedhe bhú e bedhe-o.



Piele! Dyudyo zabɛ-o apí tsiba, amba mɛ yiki onado gba mɛ-o.

Aní aholo nalo gina omɛkrata gba e oo.



Piele agie pí aní me: Mɛsuno, ya amene kulu sukpe inde-e libhomɛ, ya holo belegɛ sungu bini de.

Engú bini, mɛ opa lie mo-o, ya abhike onado-o bhú 'ngu mabhike.



Hi bhe! Ae mangua ngamba 'ngú dho!!



A ko 'ngú na paká-a!  
Yi gogo! Djaki! Djaa!  
Yi gógo a ko 'ngbe  
sungu n'f holo nga  
ngua-e de.



Li Piele au lie mo-o,  
an' atsia apa me:  
Gbe limu de ma ne  
sidi padhá de, anga  
ma ne siti kpála.

Yesu atsia apa p' Piele  
me: Mo odjé tsulu de,  
naye p' mbia inde-e,  
mu dá matá kpála nag'li  
sungu de, mo odú 'bili  
ag'li okpála p' Ebhe.



Yi kpata ma!




Yi gogo! Yi go kpata ma,  
amba madji yi obhulu  
nag'li okpála p' Ebhe.




Yesu aholo adholo ne omɔkpata gba e li ngangba na Galilaya. Anɔ adɔ nasuno pɔndji Naɔ gba Dieu. Anɔ adɔ akobho obhɔlɔ kuo, anɔ adɔ di apandja osisiti bua bhɔ okpála, anɔ adɔ matá amene ongamba ongú. Bhiti okpála adɔ akpata anɔ-e adɔ angamba naali. Uo adɔ nayie ne obili ngánga, okoko adɔ belegɔ ayie bhɔ ondundu odoto koko di ne abhɔ Yelusalema 'ngbe kɔti gba omaɪsalaele-o...



Yesu atsia apa pi omɔkpata gba e me: A ko djali pi yi obhɔlɔ ndibhili, anga Naɔ na abhɔla pi ngua okpála bhomɔ-o.




A ko djali pi yi, ngayi obhende ngadje gɔmɔ zɔ ne gɔmɔ 'ngu mbia inde, anga yi azɔ yi tsia 'u'u!




A ko djali pi yi, ngayi obhende ngaku 'gba mbia inde, anga Ebhe akuo ngɔla sala yi ngae.




A ko djali pi yi i dɔ me okpála nde ngasobho yi, u nde ngato mbolo li yi, u nde di ngapa ndɔ sisiti 'ngú li yi hana ne eu ka yi abhuka ma lie-o. Kaka-a, yi dɔ bhɔ djali, amba yi dɔ di bhɔ ndjili, anga makalá inde ngadjeke yi abhɔlɔ-a adɔ ngbéngbé.




Ndu 'ngú hana inde yi ngakunda me okpála mene pi yi-e, yi mene bhadi pi uo moko.




Yi lila liyi malila! Kpála bhende i tsia olo koko ne gumu ani-e, kpála angoo akunda olo angoo bhú mabhundjua gba e akunda.




Bua yi angamba de: Yi gili ngaiza Na e gba Ebhe-e bhú dabilí bini ne namene ngbili 'ngú inde ani akunda e-o. Pipita-a, Ebhe tsia há di ndu oehe koko bhomoo hana pi yi.




Yi kunda obhulu yala gba yi ko. Yi yo Ebhe pi obhende ngato bolo li yi-o.




Djila kpála na zi 'ké na kute ani. I du me djila mu nde ndjindji-e, kute mu libhomu dú li zi 'kpí. Engu bini, i du li djila mu ne kuo-o, kute mu libhomu dú bhú bití.



Yi lila liyi me yi améne bádha 'ngú gba yi-e kaka okpála de me u u yi mau-o de.



Kpála bini ti da namene kulu pi ongamási bhisi de. Yi ti da nadu bali pi Ebhe ne pi tia bhú nedhinga bini de.



Yi mene engú ma ngapa e pi yi-e, mukobho gba yi-e dú maka kpála na imbilangu inde a'o 'dhu 'tigba e pí teme, ani banga 'dhu ti angoo pí sike de.

Ekpí bini abhú Kapitalanauma-a, kambí okpála ago apo bhúla o dengo eti lí Yesu adu nadu bhú e-o.

Ní tí da nakodho 'kpí bhú kambí okpála inde-e de!

Í du me ní nde 'ú apí ngbutí de-o!

Mo odje 'ngú bhomu-o adje?

Aní ngasosobho bhomu Ebhe!

A tí da na'e osisiti 'ngú gba kpála bha bini ne Ebhe kpi e kpi dí?

Ane mane ne bedho: ne napa pí dukuto-o me: Osisiti 'ngú gba mu-o a'e lie a'e, ne me yie bhúlá?

A ko mangua 'ngú dho?

Yi 'o uo! Nabhuka gba ondaise aní kpekpeke.

Osisiti 'ngú gba mu a'e lie a'e!

Ma apa pí yi na páka me: Masiya ne angu na'e osisiti 'ngú gba okpála. Aní tí da la di napa me: Yie bhúlá, ha kalagba gba mu-o amba mu dhuku.





Ngamba 'ngú!

Tsitsia! Ma tì da nadhɛkɛ. Ma ngadhɛkɛ!

Ani ngadhɛkɛ!

Engú bini, ndɛ okpála hana zìba ongamba 'ngú lɪ Yesu adɛ amene-e de. Ane la mane obhelesi okpála na 'tì nadje lɪlɪ gba Moidje-o. U adɛ mangbo agɪlɪ 'dhɛ ani bhú olɪlɪ gba Moidje-o, maka namene kulu lɪ 'kpɪ nago gba omaYuda-o.



Yi tsia 'ngú inde ndjɪndjɪ: lɪ 'kpɪ nago gba omaYuda-a, lɪlɪ gba nɪ azìba bedho: U mene bádha 'ngú ne me u mene siti 'ngú? U kobho kpála ne me u bhɔlɔ kpála?



Ha 'kpa mɛ ei!



A ayo me u ndjia engú gba ani-o!



Ma akobho!



Yi pa pɪ obhelesi okpála na 'tì nadje lɪlɪ gba Moidje inde abhú Yelusalema me u ngato okpála bhú bilɪ.

U adje lie mo-o, bua uo atsia ake. Li Yesu au lie mo-o, u anu a'u'u bhú zabu inde adu bhú ekpo inde dengo kati na Galilaya-o.





Musuno, ní adji amú! A zì 'ngá bhú djila mɛ dí?



Yi ne tsulɛ mo-o ka ní? Nabhuka nga bhú yi adi?



Ani atsia apa pi  
ngbo 'ngu-o me:  
Gba 'bho mæ!  
Ndjili má bulu!



Pipita-a, Yesu ne omækpata gba  
e agulu 'ngu anæ alæ li 'bhogo bhæ  
guo 'ngæ. Má gala kolo me-e:



Aruuu!  
Aruuuu!

Kpála bini akoto li bìli na olata me osisiti adu nadu bhú aní!




Aní adu nagulu bhú e me: Hummm!

Yesu akolo lie de aní masikpe-e!



Aní asula kpekpeke me: Abhomu mu Yesu!



Mo okunda namene ngú ma pi! Yesu Ndili gba Ebhe Apí 'Kpí?

Yi ze bhú kpála inde-e zeze!




A 'li mu pi?



A 'li ma me Bhelé, anga ya bhibhiti.



Tima ya bhú ká opame inde, amba ya li bhú uo.

Yi nunu!








Ma apa pi na páka me: Ma ti da namene engú inde ayie bhú ma makpe de. A ti da namene lie de. Ma ngagili namane gumu gba ma ade, engú bini, ma akunda mangbo namene gumu gba kpála atima ma-o.

Bhú sikikpi-e Yesu ayie bhúlá, ani akoto atapa abhú mili bili ngu nayo Ebhe.



Pita sukpe na mayo bini-e, Yesu alo okpála ndjikpa na ká bhisi ani agisila 'li uo me obhulu titima. Ani aha angu pi uo ngu napandja osisiti bua bhú okpála, di ne nakobho ndu okuo hana, ani atsia atima uo bhisi bhisi.



Piele ngauo ne Andili adu ondaise.



Di ne Djaki ngauo na Djaa...



Adu di ne Filopo ngauo na Natanaele...




Tɛma a la die Matie dili  
kpála nafuta mandjandja  
gba okpála na Rɛma-o...



A e la die Tadeyo ngauo  
na Djaki koko-o...



Ae la e Simo kpála  
nakúnda kuti gba naali-o  
di ne Yuda Isikaliota.




Yi nɛnɛ! Kpála bhende ÷ sia  
yi-e, aní bhomɛ-o ma. La die,  
kpála bhende asia ma-a, aní di  
kpála inde atima ma-a de.



Abhomɛ-o, aní atsia apa pi omɛkpata gba  
e me: Nguwa abhiye-e bhelé, engú la bini,  
okpála na kulu-o bhelé ade. Yi yo ka bhɛɛɛ  
'dyi-e me aní tima okpála na kulu bhú  
edyi gba e ngú na'e nguwa-o.

Obhɛɛɛ titima ndjikpa na ká  
bhisi agie lio na djalí bhú 'nɛ u  
anɛ-o. Yesu ale me ni koto ne  
uo, engú bini, bhiti okpála 'o  
belegɛ kɛ nedhinga pi uo de.



A akolo lie tagolo me Yesu nde nga bha nasuno di ne nakobho obhulɔ kuo-o...



Filipo ayi obi e me: nɛ tɛ da nasia ezɛ sɛ ne su amba nɛ kɛ bhiti okpála inde nedi-e?

Belegɛ i dɛ li falanga kama bhisi a tɛ da nale ne uo de!


A bha ka makombi bini sɛ ne mapa ne mapa bhuluvue di ne sungu bhisi má kpɛkɛli!

Yesu atsia apa pi omɛkpata gba e me: U popo bhɛla o okpála ndjikpa bhuluvue ndjikpa bhuluvue.




Abhomɔ-o, Yesu aha mapa bhuluvue ne sungu bhisi-e, ani atsia 'kpɛ ne abhɛlá, ani atsia agie heni pi Ebhe ngɛbula ezɛ ang-o.

Omɛkpata aha mapa ne sungu-o uo atsia agapa li okpála. Ndɛ uo hana atsia azɛ uo atsia a'; u'; u má kpɛe kpɛe!





Abhomu-o lele maka li Yesu  
aha 'zɛ lie pi bhiti okpála lio.



Abhomu uo atsia  
akunda na'o ani  
'ngbe ngámá.



Li okpála au lie mo-o, u atsia  
apa me: A inde-e Masiya inde a  
ayo me ani go pfla doto-o di!

Dú mapa na olodje  
atigala nani okili  
ndjikpa ne ká bhisi.



Yesu atsia apa pi omukpata gba e me: Yi  
ha kadji pi okpála me u gbida agba o, amba  
ngayi-e, yi gulu 'ngu bhú zabɛ ayi 'ngu. Ma  
atigala nama p' ta si ngé nayo Ebhe.





Okpála bhelé adu akunda na'; o Yesu Ngámá ngubula me aní bhike okp'la na Loma abuka p'f o-o. Engú bini, obhende ì dè ayala 'ngú gba aní adu bhelé ngao. U adu au aní me aní ngakunda aha kpeke 'ndjì pì okpála. Abhomu-o, uo adu agìlì nato bhú 'ndjì okpála me a ko siti kpála ngubula me o sia kradjì nabhòlò aní.



Musuno, mo okolo ei nadho?

Yi ngagilì ma kabula mapa ma ha e pi yi-e?

Ma ne mapa inde mu, inde ayie abhíla ko. Ì dè me kpála nde azu mapa angò-o, aní dè bhú mukobho na dudu. Mapa inde ma ahá e, a ko kute ma. Ma ngahaha me okpála na doto sia mukobho.

A mene lie lele pi! Kpála inde-e ti da naha kute e lie pi ní me ní zu-o?

Eli inde-e, a kpekepeke! A ti da naziziba da?



La-a, yi améne kulu ngubula ezè inde ngazi mazi-e de. Engú bini, yi mene mangbo ngubula ezè inde ngabhue, inde di ngaha mukobho na dudu-o.



Ngayi die, yi akunda nagbida maka uo?



Ní gbigbida!

Aní ngapite okpála. Yi gogo!



Ngámá, ya ti da nanu gba da? A ka mu ne oeli inde ngaha mukobho na dudu.


Yesu adu ako lie piko piko ne okpala inde adu atu lio ne ani. Kaka-a, ani ayie bhu ndu doto na Galilaya ani atapa li papa koko. Ani adu bhu dabi bini ne omakpata gba e na obhosi bhos di ne olisi lisi inde adu akpata ani ka okulu ani amene e bhu ndu odoto koko gba omaisalaele-o.

Ndu doto na Galilaya

Ndu doto na Yelusalema

Ndu doto gba omaisalaele

Mbia inde-e, Yesu ato bhula e ne abhu Yelusalema.




Pi okpala-a, u ngapa me ma ne da?

Okpala koko ngapa me mu ne polofeta.

Li kpadji-e ani ayi omakpata gba e me:

A la yi-e,




yi ngapa naayi me ma ne da?



Mu ne Masiya Ndili gba Ebhe inde uu-o.



Yesu atsia apa pi uo me: yi apa belegu pi kpala bini de. Abhomu-o ani atsia aholo nasuno pi omakpata gba e mbamba me: A ayo me ma nu bhu Yelusalema. Oo, ma dje likabhu naali sakpa obhelesi okpala, sakpa ongbengbe odimando gba Ebhe, di ne sakpa omesuno na lili gba Moidje-o. U abholo ma. La-a, bhu 'kpi na bata-a, ma tsia zuku.




Adu nanɩ lingo gɔdhu na Yelusalema inde u adu nanɩ nagɩ osisiti okpala lie-o. Abhomu-o, lele li okpala na Loma adu amene-eo.



Abhomu-o, Yesu atsia apa pi omukpata gba e me: I du me kpala bini nde akunda nakpata ma-a, a ayo me anɩ 'o nabhundja engu gba e makpe. A ayo me anɩ bi kulusi gba e-o, amba anɩ kpata ma.

Kpala inde akunda nalila mukobho gba e, anɩ kpi. Engu bini, kpala inde atse 'kpa li mukobho gba e ngubula ma-a, anɩ sia mukobho na kukulu.



Yi mbila ndjindji me Ebhe bha ne koli Ngama ngae kpi e kpi.

La-a, lili inde ane ne 'ngbe ngae inde: A ayo me kunda Ebhe Ngama gba mu-o ne bua mu hana, ne mukobho gba mu-o hana, ne mabhundja gba mu-o hana, la di ne angu gba mu-o hana. A ayo me kunda kilɩ mu maka mo okunda limu lie makpe-o.



Bhú nedhinga li Yesu adu adholo lie bhú okuti-e, adu di ne obhulu kaba. Kaba nani ne kuo inde nga'o'o oeká li kute kpála. Obhulu kaba du nani adulu bhú ka okpála inde ne kaba ade-e de.



I du me bhulu kaba nde nani nakoto bhú ka okpála-a, ani atotobhila ne natu ue ngubula me okpála mbila me bhulu kaba ngakodho 'kpi.

**U du apa pi  
ani me: aye mu  
bhulu kaba! aye  
mu bhulu kaba!**



Li Yesu ali lie bhú okuti ango-o, obhulu kaba atsia aholo atotobhila me: Ngámá Yesu! Dje nga bha-a mbo ndjinga ya!





Ani au uo lie-e, ani atsia apa pi uo me: Yi nu suno liyi pi odimando gba Ebhe-o.

**Bhandju ni akobho makobho?**



**Ni nu nu!**




Agba odimando amba u tsia me ni akobho?

Ni akobho bhandju makobho?



A moko! Ma akobho!



Yi go uu! Ya akobho!

Yi gogo!



Li saka uo au lie me ni akobho ani aholo nadhogo Ebhe ne nagie heni pi ani.



Abhomu-o, Yesu atsia ayi me: Ndu okp'la ndjika hana akobho adi? Obhende odukpabini-e su? U bhundja nagie di heni pi Ebhe di?



Yie bhila, nu nu. Mo okobho, anga mo obhuka ma.

Obhelesi okpála gba omaYuda inde adu nadu bhú Yelusalema-a atsia atima okpála ngu nato Yesu. Pádha de, anga u du aziba engú inde aní adu amene e de.

Pádha de, anga aní adu nadu bhú dabilí bini ne osisiti okpála, obhúlu zabhe, i du die okpála nafuta mandjandja gba okpála na Loma.

Masiya ago ngu nagili di ne nakobho okpála inde angita-o.




Yesu akobho obhúlu kuo lí 'kpí nago gba omaYuda-o...

Kokobho!



Aní abhía kuo lí odjedje ongisi.

Yi 'o ongisi na me djedjedje u go bhaka ma! Yi ani kpadji pi uo de, anga Na du gba Ebhe-e, a pi okpála inde maka uo ko.





U a'i Yesu bhú kuti na Betania gɛdɛ bini i dɛ de Yelusalema masikpe de kilometele bata. A abhaka me a nde li Ladjalo ne kuo oo. U adɛ na dɛlɛ oo ne ondaise e na lisilisi, Malata ngauo ne Malia. Engɛ bini, li Yesu akolo lie bhú Betania-a, anɛ abhaka me u nde azi Ladjalo azi, a nde ane nga 'kpí badha.



Ngámá!



Ngámá, mɛ dú nako sie ndai ma de 'kpi de.



Yesu atsia apa pi Malata-a me: Ndai mɛ azúku mazuku.



A na páka moko! Anɛ azúku li 'kpí inde li okpála amu-o azúku lie li sokpí-o.



Kpála inde nazuku okpála a ko ma inde. Kpála inde bhú mukobho aziba di ma a kóbho makobho. Mo obhuka mo-o Malata?



A moko Ngámá, ma abhuka. Mɛ ne Masiya, Ndili gba Ebhe. Kpála inde a ayo me anɛ go pfla doto ko.



Yi azi anɛ su?

Gogo Ngáma, amba mɛ u!

Yesu aku 'gba bhú b́ĺi bini ne okpála adu bhú 'gba o. Pádha de, anga aní kúnda naní aní naali.

Abhomu-o, okpála koko adu apa me: Aní tí da nako namene de me Ladjalo akpí de-e dí?

Agba omaIsalaele-e, u zizi kuo me u nde aleke ne elá me azi-i de. U tsia nu tó bhú lata u adji-e bhú teme-o.

Aní atsia apa pí uo me: Yí 'e teme lí 'bhu 'du-o.




Ndai kpála akpi-e atsia apa me: Ngámá, se aní aholo napu aholo. Pádha de, anga anga aní amene sa doto 'kpí badha.

Í du me yí nde abhuka-a, yí ú sangu gba Ebhe-o.


Dyí ma, ma ngamene mo-o amba okpála asa ma ngbalina inde ziba me mo otima ngaamu.

**Aní atsia asula kpekpeke me: Ladjalo koto ei!**



Yesu atsia apa me: Yí bhulu aní amba aní holo 'nu.

Abhomu-o, ongbengbe odimando atsia angamba matá naali, pádha de, anga okpála bhelé atsia aziba Yesu.



Bhoko inde ngamene ongamba ongú bhelé.

Ní 'o aní mo-o, lí okpála na Loma mene me u holo ní.

U tsia bhoko 'ti ebhe gba ní-o di ne ndu okpála gba ní-e hana.

Yi mbila de me a pi yi ndjindji me kpála bini kpi pi ndu okpála hana, amba keti libhomu akpi de-e di?




A ayo me Yesu inde-e, u bhoko aní.

Nayie lí nedhinga bhomu-o, obhelesi okpála gba omaYuda-a adu nagili kpadji naru Yesu pi ongamasí na Loma. Ngubula me u kodho 'ngú gba aní.

Adu bhú nedhinga na anokomiã na Pasika,  
yesu atsia anu bhú kuti na Betania.



Mu mbila de me  
mangotsi inde-  
ne 'he na mase  
naali-e di?




Maria!




Mu mbila de me  
mangotsi inde-  
ne 'he na mase  
naali-e di?

A ayo igini de  
me u tsindji  
mangotsi  
inde-e amba  
u ha tia tia  
pi obhulu  
ndibhili-e di!




Do Yesu pi uo de-e: 'O olo  
bhomu! Pádha de, anga  
engú inde ani amene e, a  
ngubula ekpi inde u azí lie  
bhú lata ko.

Li nedhinga na anokomiã na Pasika akolo lïe masikpe-e, okpála bhelé adu anu abhú Yelusalema.



Obhelesi okpála gba omaYuda atsia agili kpadji naholo Yesu. Bhú nedhinga bhomu-o, ani adu akunda nali bhú gudhu angu-o.





Bhú nedhinga nali ka ani-e, okpála bhelé na kuo kuo atsia abhĩa kuó li ani.

Kuoo kuoo!

Odjana pĩ Ndĩli gba Davidi




A ayo me Ebhe tuko bisagu pĩ'; ngbe Ngámá gba omaIsalaele-o.

A ayo me Ebhe tuko bisagu pĩ kpála inde ngago ne 'li Ngámá ko!




Ɔ dɛ me Yelusalema mbila lele nasia guo 'ngɛ u-o, engú bini, mɛ mbila laa lelele dɪ.



Ní tí da namene 'he bini de.

Abhomɛ-o, omɛFalusai atsia apa sɛnda o me: Yi au, ndɛ okpála hana agbida ngainda ani!

Bhú ' ; ngbe 'ti Ebhe na Yelusalema-a, adu nani bili na mayo gba omaYuda-o.



Bhú nedhinga na anokomiã na Pasika-a, u du nani aha makiso na onu na kandalo.



Te makiso angoo du nani a'o lie kala Ebhe bhú 'ngbé 'ti Ebhe ngubula na'e siti 'ngú gba uo-o.



La-a, adu mangua makiso dho i ti da nagbegbe okpála bhú osisiti 'ngú gba oo?




Bhú 'ngbe 'ti Ebhe oo okpála du nani natsindji oehe di ne nabhalisa tia gba o-o. Mase gba uo du nani nanu ne kalanu.



Kolo me-e, Yesu ali bhú 'ti Ebhe-o...





Ani atsia apa pi uo me:  
Eti gba Ebhe ako eti na  
mayo. Engú bini, ngayi-e,  
yi adji, atsia akolo bilí  
gba obhulá 'zi!



Bhoko inde-e sisiti  
naali. Engú bini, ndá  
okp'la hana ngadje aní  
ne gúgumá naali!



A ayo me n' gili kpadji  
ngú na'e aní bhá ká n'.





Ongbengbe odimando di ne omusuno na lili gba Moidje adu agili me o holo Yesu bhu pepe lele pi, amba o bhulo ani-e.



Ebgu bini, adu bhu nedhinga na anokomi-a di. Ni mene mo-o, li okpala gbé tolo.

Ani atsia apa pi uo me: Yi akunda naha mu ma ni amba ma pu ani pi yi-e?

Ayi 'ngú bhomu-o ne Yuda saka omakpata gba Yesu-o!




Ma apu ani pi yi mapu!



Ongbengbe odimando atsia atanga li falanga ndjika bata, u atsia aha pi ani, abhomu-o mase u adu atsindji bali lie-o.



Akolo lie li so 'kpi na anokomi na Pasika-a, Yesu apo bhula bhiti okpala bhu'; ngbe 'ti Ebhe, belegu li ongamasu na 'ti adu ayayala lie. Atima Piele ngauo ne Dja me u nu leke da anokomi na pasika-o.



Yuda apa pi odimando ne omusuno na lili gba Moidje me: Ma apu ani pi yi tagolo na naki inde.

A kolo lie tagolo-o, Yesu ne omukpata gba e ndjika na ka bhisi anu apo bhula o ngu nazu ezu na Pasika-o.







Ma adu nako na gumu naali me nf zu anokomia inde-e ne yi bhú dabilí bini kala me ma dje líkabhu ko!

Ongamasi gba omupagano-o ngaha lílí pí okpála gba o-o. Obhende ngatsia 'kpí lí doto-o kúnda me u 'í o me obabadha okpála. Engú bini, sùnda yi-e a ngamene líe mo-o ade.

A ayo mangbo me í du me kpála nde akúnda nadu 'ngbé kpála bhú ká yi-e, aní de du kpála na kulu gba yi.



Ma bhú ká yi maka bali.



Abhom-o, Piele atsia apa me: Ngámá, ma ayo ká mɛ me mo ovúla bha bini 'dhu ma de. Engú bini, vula di 'kra ma ne 'ndji ma!

Kpála inde avula kute e avula-o, kute ani libhomu akolo ndjindji, ani vula bha ibili 'dhu e.

Ani akolo lie li Simo Piele-e, do ani de-e: Ngámá, mo ovula bha ndju 'dhu ma ngamaka bali! A mene lie de!

Simo Piele. I du me mu nde kunda de me ma vula 'dhu mu de-e, mu ti da nadu bhú dabili bini na ma de.



I du me ngama, inde Ngámá, inde di ne Musuno-o, ma nde avula 'dhu yi-e, ngayi di-e, yi de vula 'dhu yi sunda yi moko. Ma asuno pi yi bhomu-o me amba ngayi di-e yi de mene maka ma amene lie pi yi lie ko.

A adu mo-o de!!


Ngámá, a adu bha ndju ma?

Abhom-o, Yesu atsia apa pi uo mbamba me: saka yi bini apu ma pi obhula yala gba ma-o.



Yuda, engú mo okunda namene e, memene má gala!





Yi dɛ amemene moko, ngɛbula nabhundja ma.



A inde-e kute ma inde aha lie pi yi-o.



Vino inde-e, a ko gandja na mbia li Ebhe akodho e ne yi ne ngɛte ma inde atuko pi yi-o.



Ma ngaha pi yi lili na mbia. Lili inde me yi dɛ ne mukunda sɛnda yi.



Pádha de, anga i dɛ me yi nde ne mukunda sɛnda yi-e, li ndɛ okpála hana mbila me yi ne omukpata gba ma-o.



Piele apa pi ani me: Ngámá, ma ti da nakpata mu mbia inde-e de ka ni? Ma bedhe ngɛ nandala 'kpa li mukobho gba ma-a ngɛbula mu!



Yesu agie pi ani me: Mu bha ndju bedhe ngɛ nandala 'kpa li mukobho gba mu-o ngɛbula ma?

Yesu ne omɔkpata gba e ndjikpa ne ká bini-e ayie bhú gɔdhɔ ango-o ìbili me ekpí nde aluka. Yuda dɛ matá bhú dabilì bini ne uo de.

Ma adji a'ò ka yi. Engú bini, 'Dyí ma a atíma Bu Bhobua ngú nateteke yi, la die, Aní adú ne yi dɔdɔma ne dɔdɔma.

Yi mbíla la di kpadjì na bìlì ìnde ma adji lì e hana.

Ma ne kpadjì. Ma ne kɔkɔlɔ 'ngú. Ma la di ne mɔkobho. Kpála bini tí da nanɛ agba 'Dyí ma lì kpadjì koko de, bha bini me aní nde apɛ lì pápá gba ma.

Aní atsia apa pí uo me Yi dɔlɔ sɔ nedhinga ma adji lɛ nayoEbha aoo ko.

Aní atsia atɛ bhéla pí doto, aní atsia ayo Ebhe me: 'Dyí ma, ì dɛ ndjindjì-e, mɛ de dyudyo líkabhu ìnde-e de ma tsutsu!

Engú bini, mo oméne maka ma akɔnda lɛ de, mene mangbo maka mo okɔnda lɛ ko!

Ani abhaka omikpata gba atuko ne ela má dhululu! Do ani pi Piele de-e: Yi ti igini da nade li zuku ngabha ne ma ngubula saa bini di? Yi tsistsia nga, kpala inde apu ma akolo.



Yuda adje nani lie ne uo kalanu me: Kpala inde ma akama e, a ko ani. Yi holo ani!



Kolo me-e, ani adyudyo lie de Yesu, ani atsia ayi ani me: Musuno, mu oo!



Ngama, a la gu ne uo ne mbotia?



Ani atsia akama ani. Yesu atsia apa pi ani me: Yuda, mu nganvu pabho ma, Ndi li gba kpala, ngubula naru ma-a?

Engu bini, Yesu atsia apa me: Yi 'o'o, apise moko.



Abhoma-o, uo atsia aholo Yesu, u aholo nu ne ani. Abhoma-o, nde omikpata gba ani atsia atsambala de ani ma mu!



U anụ ne Yesu kala bhele kpála gba odimandọ gba Ebhe ne obhelesi okpála gba omaYuda-o. Piele ngauo ne Djaá adụ naao akpata uo mbo tsutsu bedi.



Ani au Piele lie, ani atsia apa pi ani me: Ngamụ di-e, mo odụ nako bhú dabilí bini ne ani!

Uo akolo bhú mbadhasụ gba bhele kpála gba odimandọ-o.



Ma akọ mboli 'ngú mụ ngapa e di. Ma mbila ani de!



Piele agie pi bhoko ango-o me: Bhoko-e, ma mbila 'ngú inde mụ ngapa-e de!

Mụ di sụka uo!

Piele aholo napa me: a moo adi! Ma mbila kpála yi ngapa 'ngú gba e mụma bhomụ-o de!



Mụ ne sụka uo, anga ngamụ di-e mụ ne kpála na Galilaya.







Bha li nedhinga  
ani adu apa  
lie mo-o, engu  
atsia aku 'gbá.



Piele akoto kilidjo,  
ani abhob kuo e ne  
egba ma kusu!



Aa! Ngamu  
polofeta-a, pa nga pi  
ya me asu mu da?


Li ekpi aseke lie, u anu ne Yesu kala obhelesi okpala gba omaYuda.



Abhomu-o, ndu okpala hana atsia  
ayi ani me: Mu ne Ndili gba Ebhe?



Ani agie pi uo me: A  
maka yi apa lie ko.



Yi adje maka ani asobho  
Ebhe lie adje! Ni nu ne ani  
kala ongamasu na Loma. A  
ayo me u bhob ani mabhob!

U anɛ ne Yesu kala guvelenele Pɪlatɔ.  
Obhelesi okpála gba omaYuda adɛ  
apa 'ngú lɪ anɪ sisiti naali.



Pɪlatɔ atsia ayi anɪ me:  
Mɛdʒe engú inde u ngapa e lɪ  
kɛte mɛ bhomɛ-o dɪ? Mɛ ne  
engú na gagama adɪ!



Ma u siti 'ngú gba anɪ-e de. Bhú ndɛ  
Pasika hana, guvelenele dɛ nanɪ natse  
'kpa lɪ bhɛlɛ 'kpa bini, bhende lɪ bhiti  
okpála adɛ akɛnda me anɪ tse 'kpa  
lɛ-o. Yi akɛnda me ma tse 'kpa lɪ da  
pɪ yi-e? Ne me ma tse 'kpa lɪ Balabasi,  
ne me ma tse lɪ Yesu inde ngámá gba  
omaYuda?

Mo omene  
mangua  
siti 'ngú  
dho?

U azu ma, ma atsia  
ago pɪla doto ngú  
nakpokpo 'ngú  
pɪndʒi kɛkɛlɛ 'ngú.




Kɛkɛlɛ 'ngú  
akɛnda bhomɛ  
napa pɪ?





Balabasi!

Balabasi!




Ma mene la ngú Yesu u a'í e me Masiya pi?

Gí aní lí kulusi! Gí aní lí kulusi!

Aní ngapa me ní ne 'ngbé ngámá!

Aní ngabhundja me ní 'ngbé ngámá. Í dɛ me mɛ nde atse 'kpa lí aní-e, amba mɛ kúnda 'ngbé ngámá Kaisala de!



Mɛ tí da nanɛ! U alo mangbo mɛ a'o ká Yesu.

U aholo naní Balabasi anga aní agbe naní kpéke 'ndjì abhú Yelusalema, aní atsia abholo di kpála.



A INDE-E 'NGBE NGAMA GBA Omayuda-O!



Ngama-a, ma bhú ta nakpi gba kpála inde-e adí. A ko naayi 'ngú!



Ngbé ngámá gba omaYuda mɛ oo!



Pilato atsia apa pi uo me: Kpala ango-o i!

Gi ani li kulusi!

Gi ani li kulusi!

Gi ani li kulusi!



Pilato atsia atse 'kpa li Yesu pi uo. Yesu abi kulusi gba e ngae makpe nayie bhá Yelusalema.





Ani atsia akoto li bli na Pelege 'ndji u a'i e me Gologota bhá eli na ebele.



Oo, osuda atsia agi Yesu li kulusi...





Pilato atsia aha lili me u ye balua, amba u bhi li kulusi gba Yesu-o. Balua angoo adu me: YESU, KPALA NA NADJALETA, NGBE NGAMA GBA OMA YUDA.

Yesu atsia ayala nandji kpongadha pandi u aha e pi ani-o.

Osuda atsia agu gbanda li obongo gba ani-o.



Mo okobho okpala koko!

I du me mu nde ne Ndili gba Ebhe-e, kobho limu ngaamu makpe.

Engu bini, bhe koko ambe bhu 'ndji ani, do ani de-e mu kpe Ebhe di? Ngani-e, ni ngasia likabhu ka siti 'ngu inde ni amene-eo. La-a, ngaani-e, ani mene belegu siti 'ngu bini de.

Kani ani ti da kobho lie ngae makpe, amba mu kobho di ya!

Bhundja ma uu, li nedhinga inde mo ogo lie ngu nau ngama gba mu-o.

Ma apa pi mu na paka me naki-e, ni adu ne mu bhu dabili bini bhu kuti na munday ko.



A akolo masikpe de tulukpe,  
ela a'o nasu. Biti aha pfla  
doto libhomu akolo de saa  
bata pita tulukpe.



Yesu au 'hi e ne mukpata inde li  
ani adu akunda e naali-e, me u  
nde alulu de ani li kulusi gba e-o.

Do ani pi uo de-e:  
olu-e tsia ndili  
gba mu-o i.



Ebhe gba ma,  
Ebhe gba ma,  
mo'o ka ma ka ni?



A li ma ne  
gamu 'ngu.




Ani atsia asula kpekpeke  
me: 'Dyi ma ndala 'kpa li  
bua ma sa 'kpa mu.



Ndu 'ngú  
hana andjia!

Yesu atsia akpi pita midi bhú saa na bata. Sɔdha bini adɛ pá kala aní ne mandambi má pɛɛ! Kolo me-e, ngɛte di ne engu atsia aze bhú eka angó-o, ngú nasuno me aní akpi na páka-o.



Líí gba Ebhe apa me: U adɛ anɛ ne aní maka kandɔɔ ìnde u adji abhɔɔ e.



Aní abíí 'ká u atsia abíí aní ka osisiti 'ngú gba n'í-o. Mbíá bhómɛ-o, aní atsia akpi.




A ko bhandjɛ Masiya a ayo me aní go-o?



N'í nɛ yo kuo aní amba n'í nɛ zì.



Djedjefɛ kpála na Alimatayi ngauo ne Nikodemɛ aleke kuo aní ngú nanɛ azizi, u a agagala bhú daladeli u amene e lí line na mbíá. Abhómɛ-o u atsia anɛ nazizi bhú lata lí Djedjefɛ adjí nani pí e-o. U atsia abuku ne ' ; ngbé teme na 'ngbengbe.





Pita naguo gba omaYuda-a,  
olisi inde adu bhú da kuo  
anu bhú sikikpi abhú lata...



U abhaka me teme nde  
ayie li 'bho lata-a ayie!

Yi ngagili kpála inde nu-o bhú  
ká okpála inde amu-o ka ni?  
Yi nu pa kolo pi omakrata gba  
ani-e má gala me ani azuku.



Li olisi bhomu-o agie  
lio lie-e, Piele ngauo  
ne Dja aholo 'nu u  
atsia agbida abhú lata.



Ae mangua  
ngamba  
'ngú dho?

Kpála bini  
bhúbhú ade lata  
atigala padhá.






Malía adu me aní nde alu akilidjo de lata-o.



Oandjelu-o ayi Malía me: Olo-e; mu ngaku 'gbá ngé ni?




U a'e kuo Ngámá gba ma a'e. I du me mu nde a'; e kuo Ngámá gba ma-a ngamu-o, suno bilí mo o'o lie mu ma!



Yesu atsia a'i aní me: Malía!




Musuno!



Yesu atsia apa pi aní me: Mo obú 'kpa mu li ma de. Nu bhaka ondaise ma, amba mu pa pi uo me ma ngagie li ma agba 'Dyi ma, inde di 'Dyi yi di ne Ebhe gba yi-o.

Bha li 'kpí angó-o, omukpata bhisi inde abhaka me u nde agie lio nayie bhú kúti bini inde u a'í e me Emausi. U adu ne likabhu li bua o, li 'kpála bini inde abhaka o bhú dholo gba o-o.

Ka ni yi bhuka lie ndu 'ngú hana inde li opolofeta-a apa ade? A ayo nako de me Kilisito dje likabhu kala me ani bhú na na اساسا gba e di? U aye nani ongú pindji pindji didili!



Nedhinga u adu nazu 'he ne uo lie, pita nagumu mapa-a, gomago gba uo angita bha kolo má pele!

Bha li nedhinga bhomu-o, u ayie bhúlá kolo má gala, u atsia agie lio abhú Yelusalema, oo u abhaka me obhala titima koko me u nde apo bhúlá o.

Malia na Piele au ani di!

U atsia ambila me a ko Yesu!



Ya au Ngámá!



Kolo me-e...

Ani akoto li uo ne napa me: Guo 'ngú du bhú dabilí bini ne yi!



A ko ma! Yi tsia satikpa ma, yi tsia odhu ma!



Tuma atsia agie pi ani me: Ngámá gba ma, di ne Ebhe gba ma!



Yesu asuno lie p̄ obh̄l̄  
titima gba e p̄ta ekp̄  
ndj̄kpa badha. Okp̄la kama  
bhuluvue a u an̄. Ekp̄ koko  
an̄ an̄ akoto li obh̄l̄  
titima gba e me u nde ngaḡ  
'ngbe bh̄ ekp̄ na Galilaya...

An̄ atsia ayi uo me: Odi ma,  
yi aholo mbo di sungu uu?

Ehe bini de.  
Beleḡ d̄ ipalal̄.


Yi bhike nado gba yi li  
p̄p̄ na al̄ ngoḡ!

A ko mangua bhiti  
ka osungu sho!


Abhom̄-o, u atsia apa  
p̄ Piele me: A ko Ngámá!

M̄suno!

Yi gogo n̄ z̄z̄!



Ani atsia ayi Piele me: Simo Piele m̄ k̄nda bhandj̄ ma na páka?



Yesu ayi Piele mo-o bh̄tsi bh̄tsi bata.



A na páka Ngámá, mo mb̄la hana me ma ne m̄k̄nda gba m̄.

Yesu apa p̄ ani me: K̄ okand̄l̄ gba ma-o.



P̄p̄ta-a, Yesu atsia apa p̄ ani me: Kpata ma!

Abhom̄-o, om̄kpata nd̄j̄kpa ne ká bini-e an̄ bh̄ Galilaya, p̄ eta inde li Yesu apana nani e p̄ uo me ni akó lin̄i ne uo p̄ e-o. Abhom̄-o, Yesu adyudyo lie de uo, ani atsia apa p̄ uo me: Ebhe aha nd̄ angu na abh̄l̄á ne bhe na p̄fla doto hana m̄ma. Kaka-a, yi n̄ bh̄ nd̄ opiga hana. Yi mene me u kolo om̄kpata gba ma. Yi batisa uo ne 'li 'Dȳ n̄, ne li Nd̄il̄i, la di ne 'li Bu Bhobua. Yi suno p̄ uo me u lila nd̄ l̄f̄li inde ma aha e p̄ yi-e hana.



Yi mb̄la la me ngama-a, n̄ ne yi bh̄ dabil̄i bini nd̄ 'kp̄ hana akólo bha bini makolo al̄i sokp̄f̄.

P̄ta oeli bhom̄-o, Yesu a'̄ abh̄l̄á. Ani aḡie lie maka ani apa nako lie-o, nḡbula nakodho 'nḡ gba okp̄ála-o.

Yesu atsia atapa, omukpata gba aní aholo nadjeke, ne mayo abhú Yelusalema. Abhomu-o, Bu Bhobua atsia ako pí uo. Bua gba Ebhe inde adu nani ne Yesu bhú dabilí bini-o, aní atsia aholo nadu bhú dabilí bini ne omukpata angu-o. Aní atsia adji uo okpála na mbia, okpála nakpokpo 'ngú gba Yesu Kilisito-o.

Kuo tí nani nagba 'bho e pí Yesu de. Yesu atsia adu kpála na kalanu nazuku bhú ká okpála inde amu-o. Aní atsia akoto bhú sangu gba Ebhe-o.



Omukpata-a atsia atsambala ne bilí ngángá, belegu lí okpála adu nagú uo lie-o.

Yesu ne Ndi lí gba Ebhe-o.



Uo atsia aye bhadi bhú obalua inde adu adholo sánda okpála moko.

Aní atsia aha ositi ongú gba ní-e, aní atsia abí lí kute e. Aní atsia abí siti 'ngú angu-o nedhinga u qbhobó aní lie lí kulusi-o. Kaka-a, ní matá ne okp'la inde bhú mukobho na siti 'ngú adi. La-a, a ayo me ní du mangbo bhú mukobho inde ngbingbili.

Ndu bilí hana lí okpála abhuka Yesu nde lie, u ngapo bhúla o ndu 'kpí hana ngubula nayo Ebhe di ne natanga bhuku gba aní-e bhú dabilí bini. Ndu nedhinga hana u adu azú mapa di ne nandji vino lie, uo ngandjindji bhomu ngú nakina nakpi gba Yesu ko. U di ngasuno bhomu mukunda gba Ebhe inde lí bua o ko.



Engú lɪ Ebhe akɔnda pɪ  
kpála kɛtɪ-e atsia suno  
lie bhú bádha bhú 'bu  
gba Ebhe-e bhú Yesu.



Yesu ne mɛkɔnda pɪ mɛ. A  
ayo me mɛ suno mɛkɔnda pɪ  
anɪ, mɛ dɛ di adhɔgɔ anɪ.



Pádha de, anga Ebhe akɔnda  
okpála na pɪla doto naali. Kaka-a,  
atima koli Ndilɪ gba e-o, ngɛbula  
me kpála ne kpála inde abhuka  
anɪ-e, anɪ 'kpí de. Engú bini, anɪ  
tsia sía mɛkobho na dɛdɛma.

WILLEM DE VINK

## BIBILIA

Engú gba Yesu akpokpo li e bhú Bibilia. M̄ ti da nabhaka bhuku bini p̄la doto inde u nde ngatanga e akpo 'ndji e li Bibilia adi. M̄ bhaka me u aye obhuku koko bhúbhú. Ngú nayeye-e, amene kalanga 1500 ngú naye nd̄ obhuku ango-o hana. Ane nga okalanga 1900 maka u andjia nayeye lie-o. Bhú Bibilia-a, mo obhaka nd̄ djua ongú hana p̄ndji lele li Ebhe ngamene engú bhú mukobho gba okpála aye lie bhúbhú. Engú aye lie p̄ndji Yesu ngasuno lie mbámbá me Ebhe ne da.


## ENGÚ AKPOKPO LIÉ LI 'NGÚ GBA YESU

Ane obhuku 4 inde akpokpo 'ngú p̄ndji mukobho gba Yesu-o. U nga'i obhuku ango-o me “Badhá Ngali bádha”. Bhuku bini ne bini asia 'ili gba kpála aye-o. U akobho bhú dabilí bini ne Yesu.

**1. Matié:** suka omukpata gba Yesu-o. A ad̄ kpála namene kulu nafuta mandjandja. Aní akpokpo lele das̄nd̄ gba Yesu ne omaYuda.

**2. Maloko:** aní ad̄ ngabha naní makombi lele li Yesu aholo amene kulu gba e lie-o. Aní agama 'ngú bhelé p̄ndji ongamba ongú inde li Yesu amene e-o.

**3. Luka:** aní amene naní kilasi na dokotele. U mbila naní lio ne Yesu de. Aní aye 'ngú p̄ndji mukobho gba Yesu-o li lele aní ad̄ lie nad̄ bhú dabilí bini lie ne okpála-ao.



**4. Djaá:** ad̄ di naní suka omukpata gba Yesu-o. Aní asuna naae me Yesu ne da. Yesu a ko Ebhe inde akolo kpála kuti ngubula nakobho okpála na p̄la doto bhú osisiti ongú gba o-o.




## NAZU LIƐ GBA YESU

Hi Yesu alí aní me Malía. Nedhinga aní abí 'bhí aní líe, adu padhá me Malía nde lí kava de. Aní tsia mbíla la di engú na bhoko de. Engú bini, Ebhe atsia mene me aní tsia zu Yesu. Ngali na ngangamba bhomu-o apa naní líe didili bhú obhuku u aye-e bhú okalanga bhele me u nde zu nga Yesu de. U zu naní Yesu maka lí okpála azuzu líe de. U azu aní bhú lí bílí lí onu azuzu 'he líe-o. Padhá de, anga dabilí du naní pí aní bhú 'tí nabhía kuo lí aní bhú gba ogomago-o de.

## ONGAMBA GBA YESU

Yesu amene ongamba ongú bhelé. Bhú Bibilia mo obhaka ongamba ongú aní amene e ane okpála 40 aní akobho o. Yesu asuno me abhú ní ne angu bhú namene ongamba 'ngú bhomu-o. Aní abedhe naní na gumu nateteke okpála ne di nagie okpála bhú djalí.



## NAKPI DI NE NAZUKU GBA YESU



*Ka ni a ti bha nani lie me Yesu bha makpi-e? Tata ambamba lie bha bhú Bibilia.*

Djedje nga! Kpála hana memene siti ndɛ nedhinga hana. Ongú ì nga li Ebhe dɛ, ka 'ngú ango-o, amemene me bua anɛ siti ì dɛ die naha likabhu pi anɛ. Ndɛ ongu bhomɛ-o hana-a, u 'i' me “siti 'ngú”. Kabula osisiti 'ngú bhomɛ-o, kpála kɛti ti da nani nadɛ ali Ebhe de.

Kaka-a, Yesu atsia ago pɛla doto. Anɛ azɛba ngae me ni bi ndɛ osisiti 'ngú gba ní bhomɛ-o ne bua na bini, u holo anɛ ne kpéke dɛ. Anɛ azɛba nani nakpi bhú da okpála na pɛla doto. Kabula nakpi gba Yesu bhú da ní-e, kadjɛ atsia abhulu sɛnda ní ne Ebhe. Ka 'ngú ango-o, a ayo me ní sia likabhu naali li bua ní ka osisiti 'ngú gba ní ango-o.

Pita nakpi gba Yesu-o, anɛ atsia azuku bhú ká okpála bhende amu-o. Ebhe atsia agie anɛ bhú mukobho. Li kpadjɛ bhomɛ-o, Ebhe atsia asuno me angu kuo kolo li ni de.

Mbia inde-e, Yesu bhú mukobho ade Ebhe. Anɛ nde lie bhú mukobho-o, anɛ ti da nadɛ alia ní dɛdɛma ne dɛdɛma. Anɛ akɛnda nateteke ní me ní akobho li lele maka li Ebhe akɛnda lie amba aha ndjɛli pi anɛ.

### MAYO

*Mo okɛnda nadɛ alia Ebhe ngamɛ makombi ì dɛ die ngamɛ tsa ɔɔ? Osisiti inde mo omene e aha likabhu pi mɛ uu? Kaka-a, yo Ebhe me:*

*“Ebhe 'Dyɛ ma, mɛ kɛnda ma naali.*

*Mo ha koli Ndili gba mɛ makpe Yesu.*

*Anɛ akpi li kulusi kabula ndɛ osisiti 'ngú inde ma amene-eo.*

*Mɛ ti da nambu li osisiti 'ngú gba ma mamene-e dɛ? Ma asia babuma li bua ma.*

*Heni naali anga Yesu agú 'gú mɛma ngae*

*Ma akɛnda natigala pi mɛ.*

*Teteke ma me mukobho gba ma dɛ mukobho inde ngangá limɛ.*

*Mo oyie de ma mata-a de.*

*Heni naali anga Mo ozɛba mayo gba ma-o.*

*Mene engú mo opa me ni amene-eo.”*

# NGAYI NE YESU

Engú gba Yesu ndjia de. Okpála bhelé akolo alia Yesu. Engú bini, a ko bha bini alia na didili de, a ko di alia na mbia. Mbia inde-e, okpála mbila lio ne nadholo matá pí punda ì dɛ die kamilio-o de. Engú bini, okpála bha ibili ngadholo bhú ovatili ì dɛ die oavio. Bbobhomɛ-o go 'ngú bhú djila Yesu de. Anì mbia inde-e de mɛ masikpe maka anì adɛ nani nadholo lie bhú kutì gba omaɪsalaele-o. Mɛ tì da nau anì de, anga a ko bua gba Ebhe inde de mɛ na páka maka anì nde lie ndɛ nedhinga hana-o. Anì akɛnda la di nadɛ alia pì kpála inde akɛnda anì de inde ngadje anì.

Mí lè tà nìle Yésu nì tà dri kpádhíkpadhí ìndì mí nì kítswá adrélé akódhì be ngíni ya dhì 'í? Adré dì lèá mí kò'o kònìnì:

## 1. Holo natanga pì mɛ makpe Bibilia.

(Mɛ tì nakpo lilita bhú Bádha Ngali gba Yesu lì Luka aye-eo).

## 2. Holo nayo Ebhe

(Akɛnda napa me, nagama 'ngú ne Ebhe di ne nadje anì).

## 3. Kpokpo Bádha Ngali gba Yesu pì okpála koko.

Gɛmɛ gba Yesu-o me okp'la inde abhuka nì-e, u dɛ akɔ lio di ne nateteke lio ne nagilì nambila 'ngú gba nì-o.

*Okulu oehe bhú dabilì bini ne obalɛa gba Willem gba Vink  
Copyright © 1993 Stichting Wereldtaal, Houten, The Netherlands.  
Published in Dutch as “Jezus Messias”.*

*Edition in Mayogo © 2021*

*Digital copyright under the terms of the Creative commons BY-SA licence  
All rights of translation, reproduction and adaptation reserved for all countries.*

*e-mail: jmpbk.app@gmail.com*

*<https://www.jesussmessiahcomicmedia.com/DR Congo>*

*Yesu ne Masīya. Bhuku inde-e ngakpokpo 'ngú gba Yesu lele kpeke líkabhu aní azu e ne okulu aní amene e. Ní asia ongú angó-o bhú obhuku bádha na Badhá Ngali. U aye bhú okongu na mbia inde, mɛ tɛ da nako mbolimboli ndjindjɛ, a tɛ da nagama 'ngú pɛ mɛ ne naha gumu natanga lílɛ bhú Bibilia. Ongú angó-o nganu ne kalanu a kolo pɛ naki.*



*Langue: Mayogoti*

*Language: Mayogo (Democratic Republic of the Congo)*

*ISBN: 978-94-93178-38-0*